



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 14 DE SU 01/02/2023

OGETU: ATZERTAMENTU PARTZIALI NOU DE IS RESUZUS (ART. 3, C. 4, D.LGS. N. 118/2011 E PUNTU 9.1 DE SU P.C. ALL. 4/2 A SU D.LGS. N. 118/2011).

S' annu 2023, su 01 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
No
Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Biu su D.Lgs. n. 267/2000;

Biu su D.Lgs. n. 118/2011;

Biu su D.Lgs. n. 165/2001;

Biu su Statutu Comunali;

Biu su Regulamentu comunali asuba de s' ordinamentu generali de is uffizius e de is servìtzius;

Biu su Regulamentu comunali de contabilidadi;

Biu su Regulamentu comunali asuba de is averiguamentus internus;

Cunsideraus:

- su princìpiu contàbili generali de sa cumpetèntzia finantziària potenziada, ca at stabiliu chi is obligatzionis perfetzionadas a manera giuridica funt assentadas in is documentus contàbilis candu si fait s'obligatzioni, cun imputatzioni in s' annu finantziàriu de scadèntzia;

- s' artìculu 3, c. 4, de su d.Lgs. n. 118/2011: *"Is intradas e is gastus atzertaus e impinnus sena de esigibìlidadì in s' esercìtziu cunsiderau, funt imputaus torra in s' esercìtziu de esigibìlidadì"*;

Biu finas su princìpiu contàbili aplicau de sa contabilidadi finantziària, allegau 4/2 a su d.Lgs. n. 118/2011, chi:

- in su puntu 9.1 – previdit: *"Po permiti un' imputatzioni noa in s' esercìtziu giai cumentzau de obligatzionis de pagai o de coberai bastit chi siat innantis de s' atzertamentu ordinàriu nou, o finas sa registratzioni de impinnus de gastu arrelataus a intradas vinculadas, averiguadas in s' exercìtziu antetzedenti de imputai torra, cunsiderendi s' esigibìlidadì chi pertocat contributus a rendicontatzioni e operatzionis de indepidamentu giai autorizadas e perfetzionadas, contabilizadas segundu s' andamentu de su gastu pertocanti, est possìbili, cun provedimentu de su responsàbili de su servìtziu finantziàriu e de chi s' est arriciu parri de parti de s' òrganu de revisioni, a fai unu atzertamentu partziali nou de custus resuzus. Sa delibera de giunta imbenienti de atzertamentu nou de is resuzus liat atu e produsit is efetus de is atzertamentus partzialis nous. Si cunfirmat chi, cunforma a su princìpiu 8, s' atzertamentu de is resuzus, ca est un' atividadi gestionali, si podit fai finas in s' interis de s' exercìtziu provisòriu, in cabu de is tèrminis previdius po s' aprovatzioni de su rendicontu. Sendi aici, sa variatzioni de bilàntziu chi serbit a s' imputatzioni noa de is impinnus e de is atzertamentus in s' exercìtziu in su cali is obligatzionis funt esigibìlis, si fait, cun delibera de Giunta, a càrrigu de s' ùrtimu bilàntziu de previsionì aprovaù"*;

Bida sa rechesta de parti de su responsàbili de su setori 2 de registratzioni de impinnus de gastu arrelataus finas a intradas vinculadas averiguadas in s' exercìtziu antetzedenti de torrai a imputai cunsiderendi s' esigibìlidadì pertocanti contributus a rendicontatzioni giai autorizadas e perfetzionadas arrelatadas a is traballus de fai in campusantu;

Postu chi s' imputazioni noa de is resuzus in s' esercitziu in su cali is obligatzionis funt esigibilis, ocasionat:

- a) sa variatzioni a su bilàntziu de s' esercitziu in su cali s' impinnu o s' atzertamentu fiat imputau;
- b) sa variatzioni a su bilàntziu de previsionis de s' esercitziu (o de is exercitzius) chi nci trantzint is impinnus e is atzertamentus cunforma a sa scadèntzia insoru. Ca est un' atividadi gestionali, sa variatzioni si podit fai finas in s' exercitziu provisòriu, in cabu de is tèrminis previdius po s' aprovatzioni de su rendicontu;
- c) a trantziri is resursas a cobertura de is impinnus, po mèdiu de sa costituzioni de su fundu pluriennali vinculau. Su fundu pluriennali vinculau est esclùdiu sceti in s' in casu de imputazioni noa de intradas e gastus;

Bius is documentus in acàpiu a custa deliberatzioni etotu;

Arriciu parri a favori de parti de s'òrganu de revisioni;

Arriciu parri po su chi pertocat sa regularidadi tècnica e contàbili cunforma a s'art. 49, c. 1, de su D.Lgs. n. 267/2000, de parti de sa Responsàbili de su Setori Sa Dotora Cambiganu Francesca;

Cun votazioni a favori,

DELÌBERAT

De insertai is variatzionis a su bilàntziu de previsionis 2022/2024, exercitziu 2022;

De fai is variatzionis chi serbint a s' imputazioni noa de impinnus de gastu pertocantis a is intradas vinculadas averiguadas in s' exercitziu antetzedenti, cunforma a s' esigibilidadi, e pertocantis finas contributus a rendicontazioni giai autorizadas e perfetzionadas, aici comentis arresurtant in su documentu in acàpiu a custa deliberatzioni etotu;

De impinnai torra in is exercitzius chi funt esigibilis cunforma a su documentu in acàpiu a custa deliberatzioni etotu;

De donai atu chi:

- ddoi at su parri de s'òrganu de revisioni;
- s' imputazioni noa no at ocasionau s' atribuzioni de una classificazioni de bilàntziu noa;

De decrarai esecutiva custa deliberatzioni etotu, cunforma a s' art. 134, corriedda 4, de su D.Lgs. 18 de austu 2000, n. 267.
